



# Synfocity = 1013

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

November 27, 2025

## ❑ Synod Executive Committee (SEC)

November 26, 2025 (Nilaini) khan Synod Executive Committee (SEC) vawi 316-na chu J.M. Lloyd Hall, Synod Office-ah an ðu a. Meeting hi Rev. R.C. Lalngkhakliana, Moderator-in a kaihruai a. Upa Vanlalsawma Siakeng, Synod Secretary-in report a pe. Report-ah hian Rev. Lalrindika, kum 50, Badu, Kolkatta Mission Field-in November 19, 2025-a Chatuan ram min pansan thu leh Badu Bial lo enkawltu tur ruat a nih thu te tarlan a ni.

Tun ðum meeting-ah hian thu ngaihtuah tura chhawp chhuah 11 a awm a, chung zingah chuan Hmangaihna In Superintendent chungchang te, Synod Hospital Coordinator chungchang te, Induction Service neih hun chungchang te, National Federation of Churches in India (NFCI)-a tel ve chungchang te leh Assam Rifles Ram chungchang te chu a langsar zualte an ni.

November 27, 2025 (Ningani) hian Executive Committee vawi 317-na an ðu zawm lehngal a. He ðhut khawm hi Budget Session a ni a. Synod Department hrang hrang budget ruahmanna, Synod Finance Committee-in a pawm tawh chu ngaihtuah a ni a. SEC-in Budget hi a pawm fel hnuah Synod Inkhawmpuia ngaihtuah tura chhawp chhuah a ni ang.

## ❑ Aizawl Theological College (ATC) Day

November 21, 2025 (Zirtawpni) khan Aizawl Theological College chuan College Day Vawi 60-na an hmang a, he hun hi Rev. V.L. Luaia Hranleh, Senior Executive Secretary, Mizoram Synod-in inkhawm a kaihruai a, Rev. Prof. Tlanghmingthanga, ATC Principal-in inlawmna leh report a pe. College Day thupui "A Missing Part of Christian Life Today" tih chu Rev. Zosangliana Colney-in a sawi a, rawngbawl tuten penkhat tala hmasawn zel a ðul zia a sawi. Rev. V.L. Luaia Hranleh-in ATC zirtirtute Professorial Lecture lakkhawm lehkhabu an buatsaih chu a tlangzarh ngal baw. He inkhawmah hian BD, M.Th leh DCPC zirlai ti ðate hnenah lawmman hrang hrang sem a ni a, Bachelor of Christian Studies (BCS) zirzo mi pathum leh Diploma in Christian Studies (DCS) zirzo mi pakhat hnenah graduation certificate hlan a ni baw.

ATC hi kum 1907-ah Zosap, Rev. D.E. Jones (Zosaphluia) hova din a ni a, tunah hian BD course bakah, M.Th leh D.Th zirna kalpui mek a ni a, heng bakah hian Senate of Serampore College hnuai a pawn lam aþanga zirna Lay Theological Degree hrang hrang BCS, DCS leh DCPC te hawn a ni baw. ATC Day hi November thla Zirtawpni hnunung ber dawttuah hman ðhin a ni.

## ❑ Lay Leaders' Training vawi 235-na

Synod Multipurpose Training Centre (SMTC) buatsaih Lay Leaders' Training vawi 235-na chu November 24-28, 2025 chhung hian SMTC-ah neih a ni.

November 24 (Thawhþanni) zan khan training hawnna inkhawm neih a ni a, Rev. H. Lalmuanchhana, Director-in a kaihruai a, inlawmna leh report te ngaihthlak a nih hnuah Rev. Dr. K. Lallawmzuala, Executive Secretary i/c SMTC-in training hawngin thuchah a sawi a, he hunah hian NI. Lalhruaimawii ðum hnih a zai baw.

Tun ðum training-ah hian Presbytery 14 - Aizawl Bethel, Aizawl Chhimthlang, Aizawl East, Aizawl Hmar, Aizawl Hmarchhak, Champhai North, Khawthlang, Lunglei West, Ramlai, Þawi, Teirei, Tuipuiral, Tuivawl, Tuivawlrall leh Phai Synod aþangin Kohhran Upa 40 an tel a ni.

Kohhran Upate tana Lay Leaders' Training hi kum 1996 aþang khan neih ðan a ni a, training-ah hian Kohhran Upate tan Kohhran enkawl dan leh inrelbawl na lam atana pawimawh chi hrang hrang bakah Kohhran thlarau lam nun enkawl dan te zir ðhin a ni.

Training kharna inkhawm hi November 28 (Zirtawpni) zan hian neih a ni dawn a, Rev. H. Lalmuanchhana, Director-in a kaihruai ang a, Rev. B. Zohmangaiha, Synod Secretary-in training chhuakte hnenah Certificate hlanin thuchah a sawi ang a, Upa PH Rualzakhuma, Managing Committee Member-in ðawngþaisakna hun a hmang ang.

Synod Multipurpose Training Centre (SMTC) hi kum 1993 Synod-in din tura a rel angin January 12, 1996 khan din a ni a, a tira a hming chu Christian Multipurpose Training Centre tih niin kum 2001 Synod khan a hming hi Synod Multipurpose Training Centre tiin a thlak leh a ni. Synod Multipurpose Training Centre (SMTC) hnuaiah hian thalaite'n mahni kuta eizawna kawng an lo neih ve theihna tura training chi hrang hrang (Vocational Training) buatsaih thin a ni baw a, tunah hian trade chi hrang panga - Tailoring, Computer, Mobile repairing, Beauty Culture leh Electrical te kalpui mek a ni a, zir chhuak tawh mi 1988 awmin tunah hian zirlai 110 an awm mek a ni.

❑ **Pastoral Care & Counselling Training vawi 33-na**

November 14-25, 2025 chhung khan Pi Zaii Hall, Synod Conference Centre-ah Family Guidance & Counselling Centre (FG&CC) buatsaih Pastoral Care & Counselling Training vawi 33-na neih a ni a, Mizoram Synod Pastor 16 bakah Falam Synod atangin Pastor pathum an tel a ni.

November 25, 2025 (Thawhlehi) zan khan training kharna neih a ni a, Rev. Lalthangpuia Fanai, FG&CC Director-in a kaihruai a, Rev. K. Lalrinmawia, Resource Person-in kalkhawmte lawmna neiin lawmthu a sawi a, Rev. Dr. K.M. Vanlalpeka, Resource Person-in Final Evaluation a tihpui a. Rev. V.L. Luaia Hranleh, Executive Secretary-in Certificate a sem zawhin thuchah a sawi zui baw. Trainee-te tana tawngtaisakna hun Upa Zoramkunga Pachuau, Committee Member-in a hmang a ni. He hunah hian Bawngkawn Bial Zaipawl an zai baw.

FG&CC hian Pastor leh Kohhrana rawngbawltu pawimawh (Church Leader)-te pualin Counselling Training a buatsaih thin a. Pastor-te pual hian kum 1992 atangin a buatsaih thin a ni.

Synod hian Counselling Centre pakua a nei mek a, heng Counselling Centre pakuaah hian October 7, 2025 thlenga pantu (client) an neih tawh zat chu 88,459 a ni a, kumin 2025 bikah mi 4,341 an nei tawh a ni.

❑ **Synfo buatsaih ram pum huap Presbyterian English School (PES) PES Quiz**

Synod Information & Publicity Dept. (Synfo) buatsaih ram pum huap Presbyterian English School (PES) puala PES Quiz abuatsaih chu November 27, 2025 (Ningani) zan dar 6 hian Synfo Studio-ah neih a ni dawn a, Quiz-ah hian PES School 25 te an intihsiak ang. Chungte chu:

- |                            |                          |
|----------------------------|--------------------------|
| 1. Republic PES            | 2. Kawrthah PES          |
| 3. Bairabi PES             | 4. Khawzawl PES          |
| 5. Hnahthial PES           | 6. Tanhrilh PES          |
| 7. Serchhip PES            | 8. Baktawng PES          |
| 9. Kawlkulh PES            | 10. Khawruhlian PES      |
| 11. Bukpui PES             | 12. Khawbung Vengpui PES |
| 13. Khawzawl Vengthar PES  | 14. Khawhai PES          |
| 15. Zokhawthar PES         | 16. Mamit PES            |
| 17. Champhai Venthlang PES | 18. Sialhawk PES         |
| 19. Thenzawl PES           | 20. North Vanlaiphai PES |
| 21. Armed Veng South PES   | 22. Kolasib PES          |
| 23. Melbuk PES             | 24. Tlungvel PES         |
| 25. Siaha PES              |                          |

November 27 (Ningani) zan hian Top 5 thlan a ni ang a. Top 5 thlan chhuah te hian November 28, 2025 (Zirtawpni) zan dar 6-ah Synfo Studio-ah intihsiakna an nei leh ang a, result puan leh lawmman sem nghal a ni ang.

PES Quiz-a pakhatna hian lawmman ₹ 1,00,000/- (nuai khat), pahnihnain ₹ 70,000/- (sing sarih) leh pathumnain ₹ 50,000/- (sing nga) an dawng ang a, palina leh pangana in ₹ 20,000/- ve ve leh school ti tha 20-te'n ₹ 2,000/- an dawng ang.

PES Quiz-a tel tur hian school 80-in hming an thehltu a, October 7, 2025 (Thawhlehi) khan Centre pariatah Screening Test neih a lo ni tawh a ni.

Programme hi Hruaina Eng TV Channel (LPS & Zonet) leh Synod Information Youtube-ah Live-a pek chhuah a ni ang.

❑ **Social Front**

- ♦ November 29 & 30 (Inrinni & Pathianni) hian N. Vanlaiphai Venglai Kohhranah Ruihhlo chungchang Seminar leh Awareness/Campaign nei turin Campaigner, Upa H. Lalnginglova a kal ang.
- ♦ November 30, 2025 (Pathianni) hian Tlangnuam Vengthlang Kohhranah Mental Health leh Drug Awareness/Campaign nei turin Campaigner, Upa Lalnunsiam Khalthang a kal ang.

❑ **Presbyterian English School (PES)**

November 25-26, 2025 chung khan Lallen chhehvela PES hrang hrang te Joint Sports hmanpuiin Upa Dr. Lalrinmawia, committee member a kal.

❑ **Kohhran Hmeichhe Ni**

November 28, 2025 (Zirtawpni) hi Kohhran Hmeichhe Ni vawi 29-na a ni a, Presbyterian Kohhran Hmeichhiate chuan hemi ni pual hian Tualchhung Kohhranah a remchan dan angin programme an hman ang. Kumin Kohhran Hmeichhe Niah hian thupui inang tlang, 'Buhfaiṭham Rawngbawl' Pi Lalbiakchhawni ziah chu zir ho a ni ang.

Kohhran Hmeichhia hi Zosap, Rev. D.E. Jones-a nupui Mrs. Catherine Ellen Williams (Pi Zosaphluidi)-in kum 1904-ah a din a. Mizo hmeichhia, a bik takin nu te chu Pathian thu te hrihlin, kut themthiam leh hriselna lam te a zirtir a. Khasi nu Pi Siniboni pawh amah puitu ṭangkai tak a ni a, hun kal zelah Bible Women-te nen thawk hovin Kohhran tinah Kohhran Hmeichhia a lo ding zel a ni.

Kohhran Hmeichhe Inkhawmpui Lian-in Kohhran Hmeichhe Ni bik neih a rel a, Synod Executive Committee (SEC)-in November thla Zirtawpni hnukung ber hi Kohhran Hmeichhe Ni atan hman ni se tia a relsak angin, kum 1997 aṭang khan hman ṭan a ni a, Synod Calendar-ah pawh Synod Ni pawimawh zingah dah tel a ni.

Kohhran Hmeichhe Ni atana November thla Zirtawpni hnukung ber hman a nih chhan hi Pu Zosaphluia'n a diary-ah Pi Hluui'n zirtawpniah Hmeichhiate chu inkhawm a neihpui ṭhin tih a ziak a. Inkhawm a neihpui ṭan ni chiah hi sawi lan a ni lo va, January 1904-ah Mizorama lo chhuak kha a ni a. A lo chhuah kum tawp lamah chuan Hmeichhiate hi bul a ṭanpui tawh ngei ang tih a rin theih a. Chuvangin Pi Zosaphluidi Mizorama a lo chhuah kum tawp lam November thla Zirtawpni hnukung ber chu Kohhran Hmeichhe Nia hman turin Synod Executive Committee (SEC) chuan rem tiin, kum 1904 chu Kohhran Hmeichhe din ṭan kumah a pawm nghal bawk a ni.

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund aṭangin hetiang hian chhawmdawl'na pek a ni.

S.No	Khua/Veng	Pek chhan	Chhungkaw zat	Pek zat
1.	Bawngkawn Shalom Kohhran Biak In kang ṭanpui nan			₹ 45,000/-
2.	Umpling, Shillong	Damlo	1	₹ 10,000/-
3.	Khawkawn	Khawsak harsa	1	₹ 10,000/-
4.	Mualkhang Nazareth	Damlo	1	₹ 10,000/-
5.	Phaikuo	Damlo	1	₹ 10,000/-
6.	Bilkhawthlir Kualmawi	Damlo	1	₹ 10,000/-
7.	Maubawik Sikul Veng	Damlo	1	₹ 10,000/-
			<b>Belh khawm</b>	<b>₹ 105,000/-</b>

❑ **Hruaina Eng TV Programme**

- 27.11.2025 (Ningani) 08:30 pm : Thupui zir bing
- 28.11.2025 (Zirtawpni) 05:00 pm : Kristian Naupang Pual
- 29.11.2025 (Inrinni) 05:30 pm : Puitling Sunday School Zirlai
- 30.11.2025 (Pathianni) 07:00 am : Sermon - Rev. Dr. Lalchawimawia  
08:00 am : Weekly round up
- 02.12.2025 (Thawhlejni) 06:00 pm : Nilaini zan thupui  
08:30 pm : Kohhran Chanchin - College Veng Kohhran

❑ **FM Zoawi - Aizawl & Lunglei : Hruaina Eng Radio Programme**

November 28, 2025 (Zirtawpni) @ 7:30 p.m. :

- Solo : Laldusaki - Aw hmangaihna sawi thiam ila
- Zaipawl : Electric Veng Kohhran Zaipawl - Kan khualzinna ram
- Thusawi : Rev. Lalfakzuala - Lalpa fak
- Solo : B. Lalremtuangi - Min pui ṭhin ang che
- Zaipawl : Armed Veng Kohhran Zaipawl - Hawilopar

☐ **Moderator leh Executive Secretary-te Programme :**

**Rev. R.C. Lalnghakliana, Moderator Prog:**

Nov. 28, 2025                    PBS Graduation day  
Nov. 29, 2025                    Centenary lawm - West Phaileng  
Nov. 30, 2025                    Thaidawr Bial  
Dec. 6-7, 2025                    New Serchhip Bial

**Rev. V.L Luaia Hranleh, Senior Executive Secretary Prog:**

Nov. 28, 2025                    PBS Graduation day  
Nov. 29, 2025                    Saipum Pastor Quarters hawn  
Dec. 3, 2025                      Revival Committee

**Rev. Dr. K. Lallawmzuala, Executive Secretary Prog:**

Nov. 29-30, 2025                Muanna Veng Kohhran Silver Jubilee lawmna hmanpui  
Dec. 3, 2025                      Women Centre programme  
    Eye Camp Centre, Durtlang hawna hmanpui

**Rev. Dr. Rosiamliana Tochwawng, Executive Secretary Prog:**

Nov. 28, 2025                    PBS Graduation day  
Dec. 1, 2025                      PES programme, Darlawn  
Dec. 6, 2025                      Thaidawr Kohhran Biak In hawn

**December 2, 2025-a Synod Service Board leh ni 4 & 5-a Pastoral Committee-ah te Moderator leh Executive Secretary-te an þhu ang.**

**MISSIONARY TRAINING COLLEGE (MTC) HRIATTIRNA**

Missionary Training College (MTC), Mission Vengthlangah Bachelor of Missiology (B.Miss) zir duh tan dil theih a ni. Dilna form leh Prospectus hi ` 50/- in office hun chhungin MTC Office-ah October 1, 2025 aþangin lak chhuah theih a ni e. Application Form hi MTC website: <https://www.mtc.edu.in>-ah download theih a ni bawk.

Dil thei chin                                : Cl - XII pass chin  
Dilna theh luh hun hnuhnung : 27 February, 2026 (Zirtawpni)  
Entrance Test                                : 10 March, 2026 (Thawhlehi); 9:30 am @ MTC  
Interview                                        : 12 March, 2026 (Ningani); 10:30 am @ Synod Committee Room - I

*Sd/-*  
Principal  
Missionary Training College  
Mission Vengthlang  
Ph. No. : 9818719321/9612164982

